

ЎЗБЕКИСТОН РЕСПУБЛИКАСИ МАРКАЗИЙ БАНКИ
БОШҚАРУВИНИНГ
ҚАРОРИ

325 Ўзбекистон Республикаси банкларида бухгалтерия
ҳисобини юритиш ва бухгалтерия ишларини ташкил
қилиш тартиби тўғрисидаги йўриқномага ўзгартириш ва
қўшимчалар киритиш ҳақида

*Ўзбекистон Республикаси Адлия вазирлиги томонидан 2012 йил
9 июлда рўйхатдан ўтказилди, рўйхат рақами 1834-1*

(2012 йил 19 июлдан кучга киради)

Ўзбекистон Республикасининг «Ўзбекистон Республикасининг Марказий банки тўғрисида»ги Қонунига (Ўзбекистон Республикаси Олий Мажлисининг Ахборотномаси, 1995 й., 12-сон, 247-модда) мувофиқ Ўзбекистон Республикаси Марказий банки Бошқаруви **қарор қилади:**

1. Ўзбекистон Республикаси Марказий банки Бошқарувининг 2008 йил 3 майдаги 11/5-сонли қарори (рўйхат рақами 1834, 2008 йил 11 июль) (Ўзбекистон Республикаси қонун ҳужжатлари тўплами, 2008 й., 28-сон, 276-модда) билан тасдиқланган «Ўзбекистон Республикаси банкларида бухгалтерия ҳисобини юритиш ва бухгалтерия ишларини ташкил қилиш тартиби тўғрисида»ги йўриқномага иловага мувофиқ ўзгартириш ва қўшимчалар киритилсин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

Марказий банк раиси

Ф. МУЛЛАЖОНОВ

Тошкент ш.,
2012 йил 9 июнь,
17/7-сон

Ўзбекистон Республикаси
Марказий банки Бошқарувининг 2012 йил
9 июндаги 17/7-сонли қарорига
ИЛОВА

**Ўзбекистон Республикаси банкларида бухгалтерия ҳисобини
юритиш ва бухгалтерия ишларини ташкил қилиш тартиби
тўғрисидаги йўриқномага киритилаётган ўзгартириш ва
қўшимчалар**

1. 5-банднинг учинчи хатбошиси қуйидаги таҳрирда баён қилинсин:
«банк бухгалтерия аппарати — пул ҳисоб-китоб ҳужжатларини расмий-
лаштириш, банк операцияларини бажариш ва уларни ички назоратдан ўтка-
зиш ҳамда ҳисоб регистрларида қайд этиш ва бухгалтерия ҳисоботларини
тайёрлаш билан шуғулланувчи ходимлар гуруҳи;».

2. 17-банд қуйидаги мазмундаги хатбоши билан тўлдирилсин:
«Минибанклар дастлабки назоратни ўтказиш учун масъул ижрочи бух-
галтер ва жорий назоратни ўтказиш учун назоратчи бухгалтер штатлари
билан таъминланган бўлиши лозим.».

3. 26-банддаги «ҳамда «Банк мижоз» тизимидан фойдаланувчилардан»
деган сўзлар «ҳамда Банк ҳисобварақларига масофадан хизмат кўрсатиш
tizimлари мижозларидан» деган сўзлар билан алмаштирилсин.

4. 30-банддаги (««Банк мижоз» дастури» деган сўзлар «(Банк ҳисобва-
рақларига масофадан хизмат кўрсатиш тизими» деган сўзлар билан алмаш-
тирилсин.

5. 36-банддаги «Ўзбекистон Республикаси Давлат бюджетининг касса
ижроси тўғрисидаги йўриқнома» (рўйхат рақами 1009, 2001 йил 19 февраль,
Ўзбекистон Республикаси вазирликлари, давлат қўмиталари ва идораларининг
меъёрий ҳужжатлари ахборотномаси, 2001 йил, 3-4-сон)га» деган сўзлар
«Ўзбекистон Республикаси Давлат бюджетини тузиш ва ижро этиш қоида-
ларининг (рўйхат рақами 1111, 2002 йил 14 март) (Ўзбекистон Республи-
каси вазирликлари, давлат қўмиталари ва идораларининг меъёрий ҳужжат-
лари ахборотномаси, 2002 й., 5-сон) 196-бандига» деган сўзлар билан ал-
маштирилсин.

6. 40, 88, 89 ва 91 — 96-бандлар ўз кучини йўқотган деб топилсин.

7. 46-банд қуйидаги таҳрирда баён қилинсин:

«46. Муддатида тўланмаган пул ҳисоб-китоб ҳужжатлари (2-картотека-
га кирим қилинган тўлов талабномалари, тўлов топшириқномалари ва ин-
кассо топшириқномалари)ни қисман тўлаш мақсадида тузилган мемориал
ордерларда операция мазмунини билдирадиган матн ўрнига унинг қисман
тўланганлик тартиб рақамлари — «1», «2» ва ҳ. к. ҳамда пул ҳисоб-китоб
ҳужжатларининг тегишли рақами ва санаси кўрсатилиши шарт. Қисман
тўланган пул ҳисоб-китоб ҳужжатларининг орқа томонига тўланган сумма
ва сана кўрсатилиб, имзо қўйилади.».

8. 47-банднинг биринчи хатбошиси иккинчи жумласи чиқариб ташлансин.

9. 48-банднинг биринчи жумласи қўйидаги тахрирда баён қилинсин:

«Кирим ва чиқим касса журналлари бланкалари компьютер техникаси ёрдамида шакллантирилиб, унинг реквизитлари қўлда тўлдирилади.».

10. 55-банд қўйидаги тахрирда баён қилинсин:

«55. Тўлов топшириқномалари ва нақд пулни қўйиш учун фойдаланиладиган эълонларнинг санаси уни банкка тақдим этилган сана билан бир хил бўлиши керак, акс ҳолда улар ижро учун қабул қилинмайди (олдинги иш кунда «кечки» мухри билан қабул қилинган тўлов ҳужжатлари бундан мустасно). Бюджет ва бюджетдан ташқари жамғармаларга тўловлар учун қабул қилинган тўлов топшириқномалари тўловчининг ҳисобварағида маблағлар етарли бўлмаган ҳолларда 2-сонли картотекага қабул қилинади.».

11. 57-банд қўйидаги тахрирда баён қилинсин:

«Нақд пулни беришда ишлатиладиган чеклар тўлдирилган кундан бошлаб, (тўлдирилган кунни ҳисобга олган ва ҳужжатда кўрсатилган сана тўғриланмаган ҳолда) 10 календарь кун давомида банк томонидан қабул қилинади.

Нақд пул чекларини қабул қилишда масъул ижрочи бухгалтер нақд пул чеки билан иш ҳақидан бюджетдан ташқари Пенсия жамғармасига мажбурий бадалларни, Касаба уюшмаларига ихтиёрий бадалларни, жисмоний шахсларни даромад солиғи ҳамда жамғариб бориладиган шахсий пенсия ҳисобварақларига мажбурий бадалларини ўтказиш бўйича хўжалик юритувчи субъект раҳбари ҳамда бухгалтерия ҳисоби ва молиявий бошқариш вазифаларини амалга оширувчи шахс томонидан имзоланган ва думалоқ мухр билан тасдиқланган реестр илова қилинган тўлов топшириқномалари тақдим этилмаган ҳолларда нақд пул чеклари банклар томонидан ижрога қабул қилинмайди.».

12. Қўйидаги мазмундаги 57¹ ва 57²-бандлар билан тўлдирилсин:

«57¹. Мижознинг банкдан нақд пул олиш учун ишончнома берилган вакили нақд пул чекини масъул ижрочи бухгалтерга (Фронт-офис ва Бэк-офисга бўлинмаган банкларда) ёки Фронт-офиснинг ушбу мижозга хизмат кўрсатувчи ходимига тақдим этади. Масъул ижрочи бухгалтер ёки Фронт-офис ходими нақд пул чекини қўйидаги реквизитлари билан унинг тўғрилигини текширади:

нақд пул чеки санаси муддатининг ўтмаганлиги;

нақд пул чекининг рақамини имзо намуналари ва мухр изи қўйилган варақчадаги рақам билан мослиги;

мижознинг номи, унинг ҳисобварағи рақами, нақд пул чеки билан олинадиган маблағнинг рақам ва сўз билан ёзилган суммалари, нақд пул чекида қўйилган имзо ва мухрни банкдаги имзолар ва мухр намуналарига мос келиши, шунингдек вакилнинг шахсини тасдиқловчи ҳужжатидаги маълумотларнинг нақд пул чекида қайд этилган маълумотларга тўғри келиши;

мижознинг депозит ҳисобварағидаги маблағларининг нақд пул чек билан олиниши лозим бўлган маблағдан кам эмаслиги.

57². Фронт-офиснинг ушбу мижозга хизмат кўрсатувчи ходими ёки масъул ижрочи бухгалтер (Фронт-офис ва Бэк-офисга бўлинмаган банкларда), мазкур Йўриқноманинг 57¹-бандида кўрсатиб ўтилган текшириш амалларини бажариб, эътироз бўлмаганидан сўнг, нақд пул чекининг орқа томонига тегишли касса рамзи рақами ва санани кўрсатган ҳолда имзолаб, нақд пул чекини Бэк-офис ходими ёки назоратчи бухгалтерга (Фронт-офис ва Бэк-офисга бўлинмаган банкларда) беради. Нақд пул чекининг назорат маркасини мижозга қайтаради.»

13. 73-бандда:

учинчи хатбошига қуйидаги мазмундаги жумла қўшилсин:

«Қонун ҳужжатларига мувофиқ алоҳида тартиб билан бошқа депозит ҳисобварақлардан амалга ошириладиган тўловлар бундан мустасно.»;

тўртинчи хатбоши қуйидаги таҳрирда баён қилинсин:

«Мижознинг асосий ҳисобварағида унга қўйилган талабларни бажариш учун маблағлар етарли бўлмаган ҳолларда тўловлар Хўжалик юритувчи субъектларнинг банк ҳисобварақларидан пул маблағларини ҳисобдан чиқариш тартиби тўғрисидаги йўриқнома (рўйхат рақами 2342, 2012 йил 15 март) (Ўзбекистон Республикаси қонун ҳужжатлари тўплами, 2012 й., 11-сон, 127-модда) талаблари асосида амалга оширилади.»

14. 87-банд қуйидаги таҳрирда баён қилинсин:

«87. Тижорат банклари ўз операцион харажатларини банк Кенгаши билан келишилган ва банк Бошқаруви томонидан ҳар йил учун тасдиқланган «Бизнес режа» ва «Ҳисоб сиёсати» асосида амалга оширадилар.»

15. 90-банд қуйидаги таҳрирда баён қилинсин:

«90. Банкнинг операцион харажатлари ҳисоби банк томонидан Ўзбекистон Республикаси тижорат банкларида бухгалтерия ҳисоби ҳисобварақлар режасидаги (рўйхат рақами 773-17-сон, 2004 йил 13 август) (Ўзбекистон Республикаси қонун ҳужжатлари тўплами, 2004 й., 32-сон, 369-модда) тегишли ҳисобварақлар таърифида белгиланган тартибда юритилади.»

16. 157-банднинг учинчи хатбошисидаги «Банк-мижоз дастурий мажмуаси» деган сўзлар «Банк ҳисобварақларига масофадан хизмат кўрсатиш тизими» деган сўзлар билан алмаштирилсин.

17. 2-иловадаги «бирга «Банк-мижоз» дастури» деган сўзлар «бирга Банк ҳисобварақларига масофадан хизмат кўрсатиш тизими» деган сўзлар билан алмаштирилсин.

18. 6-иловадаги «Банк-мижоз дастурий мажмуаси» деган сўзлар «Банк ҳисобварақларига масофадан хизмат кўрсатиш тизими» деган сўзлар билан алмаштирилсин.